



सा:गु भिंगु मरिचरिया नितिं लुमंका दिसँ !

लक्ष्मण गजाल /चिलिमि'
प्रोप्राइटर

लाखा छै
LAKHA CHHEN

सोहखुटे, वडा नं. १६, येँ, फोन नं.: ४५६०७५८

फोनिजयात प्रेस स्वतन्त्रता सेनानि सिरपा

पत्रकार महासंघं सत्ययात स्वीकार यायेत मस्व:गु द्वपं

• लहना संवाददाता

सत्यनारायणबहादुर श्रेष्ठ प्रेस स्वतन्त्रता सेनानि सिरपा नेपाल आदिवासी जनजाति पत्रकार महासंघ (फोनिज) यात संस्थागत कथं ल:ल्हात । नेवा: पत्रकार राष्ट्रिय दबू न छू ज्याइव: दथुइ उगु सिरपा: ल:ल्हागु ख: ।

नेपालय् पत्रकारतयूत संगठित यायेगु नितिं न्हापांखुसी नेपाल पत्रकार संघ नीस्वनादीमह तत्कालीन नेपाल टुडेया सम्पादक सत्यनारायण बहादुर श्रेष्ठया १०९ क्व:गु जन्मजयन्तीया लसताय् वंगु शनिवा: जूगु ज्याइवल्य सिरपा: ल:ल्हा:गु ख: ।

ज्याइवल्य नेपाल आदिवासी जनजाति पत्रकार महासंघ (फोनिज) या अध्यक्ष गजुरधन राईयात पत्रकार दबूया केन्द्रीय अध्यक्ष नृपेन्द्रलाल श्रेष्ठ स्वामा क्वखायेकूगु ख:सा नेपाल आदिवासी जनजाति पत्रकार महासंघया वरिष्ठ उपाध्यक्ष बुद्ध घर्ती हनापौ ल:ल्हानादीगु ख: । लिसे श्रेष्ठया म्हाय्य नाप सिरपा:या दाता सुजिता श्रेष्ठ मानन्धर नगद २५ हजार नगद राशि ल:ल्हानादीगु ख: ।

ग्रीष्मबहादुर देवकोटा च्वयात:गु



नेपाली छापाखानाया इतिहास नांयागु सफूति विसं २००८ साल जेठ महिनाय् नेपाल पत्रकार संघ स्थापना याना: नेपा:या पत्रकारतयूत न्हापा संगठित यायेगु उदेश्यं तत्कालीन नेपाल टुडेया सम्पादक मधुमह श्रेष्ठया नां न्ह्यथनात:गु त:गु ख: ।

२०१२ साल चैत्र १६ गते नेपाल

पुकारया तत्कालीन सम्पादक नाप सन्त नेता मधुमह कृष्णप्रसाद भट्टराई उपाध्यायया नेतृत्वय् गठन जूगु नेपाल पत्रकार संघ २००८ सालय् गठन जुगु संघ हे हाकन गठन जूगु धका: धया वयाच्वंगु ख: ।

२०१२ साल चैत्र १६ गते नेपाल पत्रकार संघ गठन जूगु आधारयात

कया अध्यक्ष भट्टराईयात हे संस्थापक अध्यक्ष ख: धका: धायेगु यानाच्वंगु ख: ।

२००८ सालय् नीस्वंगु आधारय् नेपाल पत्रकार महासंघया संस्थापक अध्यक्षया कथं श्रेष्ठयात स्थापित याना: पत्रकार महासंघया इतिहास हाकन च्वयेमा: धका पत्रकार दबू छू

दशकनिसे निरन्तर अभियान न्ह्याकेगु इवल्य उगु सिरपा: नीस्वंगु ख: । उगु खँ ल्हवनेगुलि महत्वपूर्ण योगदान या:गुलिं फोनिजयात संस्थागत कथं सिरपा: ल: ल्हायेगु निर्णय या:गु ख: । फोनिज पोखराय् क्वचा:गु न्याक्व:गु महाधिवेशन उगु एजेण्डायात संस्थागत कथं पारित याना: देयन्यक अभियान न्ह्याकूगु ख: ।

फोनिजया नेतृत्वय् देयन्यक पत्रकार महासंघया जिल्ला शाखाय् ज्ञापनपौ ल:ल्हा:गु व महासंघया अध्यक्ष विपुल पोखरेलया कार्यकालय् उगु एजेण्डायात विधान सभाय् सहलह यायेगु ज्या जूगु ख: ।

पत्रकार दबू २०७६ सालनिसे संस्थापक अध्यक्ष श्रेष्ठया जन्मजयन्ती हनेगु व वंगु दैनिसे सिरपा: ल:ल्हायेगु ज्या न्ह्याकूगु ख: । वंगु दैय् उगु सिरपा पत्रकार लक्की चौधरीयात ल:ल्हा:गु ख: ।

ज्याइवल्य महासंघया वरिष्ठ उपाध्यक्ष बुद्ध घर्ती मधुमह श्रेष्ठयात उपेक्षा याना पत्रकार महासंघं सत्ययात स्वीकार यायेत मस्व:गु द्वपं बियादीगु ख: ।

त्यं७ पेजय्

येँ मनपां थीथी सिरपा: ल:ल्हात



लहना वा:पौ/येँ मनपाया १६ क्व:गु नगर अधिवेशनया भवलय् येँ मनपां महानगर दिवसया लसताय् घोषणा या:गु थीथी सिरपा: ल:ल्हा:गु दु ।

थ्व भवलय् स्थानीय सेवा गौरव सिरपालं येँ मनपा २४ वडाया अध्यक्ष विनोद कुमार राजभण्डारीलिसे वडा नं. ४ या अध्यक्ष दिनेश महर्जन, वडा नं. ५ या अध्यक्ष वीरेन्द्र प्रजापती, वडा नं. ६ या अध्यक्ष भवन लामा, वडा नं. १४ या अध्यक्ष सुमन श्रेष्ठ,

वडा नं. १६ या वडा सदस्य पुष्प महर्जन व वडा नं. २७ या अध्यक्ष योगेशकुमार खड्गीयात हंगु ख: ।

थुकथं हे वडा नं. ८ या दुज: राज्यलक्ष्मी भुपाल, वडा नं. १० या दुज: सुनिता भित्रकोटी, वडा नं. १७ या दुज: कमला महर्जन व वडा नं. ३१ या दुज: सान्नानी मिजारयात साधना प्रधान अग्रणी महिला पुरस्कार सम्मानित या:गु ख: ।

थयेहे वडा नं. ११ या दुज: सरोजकुमार मुल्मी व वडा नं. २ या

त्यं७ पेजय्

Trendiest Fashion
At Price You Love

ufo the clothing store
EXPRESS YOUR ATTITUDE

Binod Maharjan
9841369552, 9808644666

बि.आर्ट्स

B. Arts

Nayabazar, Kirtipur
4335491, b arts4335491@hotmail.com

- * Banner, Flex Board
- * Glow Sign Board
- * Sticker Cutting / Printing
- * Screen/ Rubber Print
- * Self-ink/ Rubber Stamp
- * PVC(ID)/ Visiting Card
- & all kinds of press works



नेवा: राष्ट्रिय म्ये

चवमि : दुर्गालाल श्रेष्ठ लय् चिनामि : तिर्थ माली

धुन देने धुन सँन्त्यलं भी फुक्कं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वाँय् थ्व हे खः ज्यान भी सकस्यां छगू
जातितय् स्वायत्त राज्यं लुइ कपं च्वय् भिलिमिलिं
राष्ट्र भःभः धाय्क न्ह्याके भीगु चःतिं भीगु हिं

सम्पादकीय



दीक्षित बिद्यार्थी देय् दुने ज्या यायेगु लकस दयेमा:

त्रिभुवन विश्वविद्यालयया ५० क्वःगु दीक्षांत समारोहय् थुगुसी भीप्यद्धः स्वयां अप्वः बिद्यार्थी दीक्षित जूगु दु। गुद्धः व ६८ म्ह स्नातक बिद्यार्थी, न्याद्धः व ५५ स्नातकोत्तर बिद्यार्थी, ६३ एमफिल बिद्यार्थी व १२२ पीएचडी बिद्यार्थी दीक्षित जूगु दु। विश्वविद्यालयया चान्सलर नाप प्रधानमन्त्री केपी शर्मा ओलीं दशरथ रंगशालाय् थीथी बिधाय् स्वर्ण पदक त्याकूपिं बिद्यार्थीतय्त दीक्षित यानादीगु खः। प्रधानमन्त्री ओलीं दीक्षित जूपित दसिपौ लःल्हानादीगु खः। विश्वविद्यालय ब्वनेधुकूपित माःगु जिम्मेवारी बिइगु ज्याइवः राज्यं हये फयेकेमाः।

स्वर्ण पदक विजेतातय्सं थःपिसं देय् हे च्वनाः छुं यायेगु इच्छा दु धकाः अभिव्यक्ति बिउगु दु। तर देय्या अवस्था उमिगु अभिव्यक्ति कथं जुयाच्वंगु मदु। यदि आपालं लागाय् सुधार मजुल धाःसा थुगु पालय् दीक्षित बिद्यार्थीत आदर्श मनू जुइगु इच्छा ज्वनाः देशय् च्वनीमखु। थुकिया नितिं विश्वविद्यालयं हे सुधारया ज्या न्ह्याकेमाः। लिपांगु इलय् क्याम्पस प्रमुखनिसं विभाग प्रमुख तक पक्षपातया आधारय् नियुक्ति जूगु जानकारी पिहां वःगु दु। कुलपति, डीन, रेक्टर, सामान्य प्रशासनया कर्मचारी नं राजनीतिक पक्षपातया आधारय् नियुक्ति जुयाच्वंगु खनेदु बिद्यार्थी संगठनया गतिविधि शैक्षिक सुधार स्वयां अराजकतापाखे उन्मुख जुइमाः स्वीकार मजुगु व लिच्चः पिहां मवइगु समस्यां गबलें मुक्त मजुगु विश्वविद्यालयं उत्पादन याःगु बिद्यार्थीया क्षमताप्रति विश्वास म्हो जुयाच्वंगु दु।

विश्वविद्यालयया कक्षा क्वथां पिनेया समस्या भन तःधं। कानूनया शासन, संविधानया सर्वोच्चता, नागरिकप्रति जवाफदेही जुइगु राज्य व्यवस्था थेंज्याःगु मौलिक क्षेत्रय् समस्या दु। निरन्तर राजनीतिक अस्थिरतां राज्य शासन व्यवस्थायात अस्थिर व अविश्वसनीय दयेकाच्वंगु दु। मुख्यतः पारदर्शी शासन व्यवस्था व सामाजिक न्यायया अभावं यानाः ल्याय्म्हतय्सं देय् दुने थःगु भविष्य खनाच्वंगु मदु। उपभोक्ता व निर्माण सामग्रीया थहां वनाच्वंगु भाः व नागरिकया आम्दानी दथुइ सन्तुलन मदु। तर थ्व फुक्क समस्या समाधान मजुइकं ल्याय्म्हत देय् त्वःताः वनीगु प्रवृत्ति दीमखु। थुकिया सुरुवात कार्यपालिका प्रमुखं काय् माः। यदि देय्या कार्यकारी प्रधानमन्त्रीं जक विधिया शासन, संविधानया सर्वोच्चता व नागरिकप्रति जवाफदेहितायात कयाः ज्या न्ह्याकल धाःसा देय्यनकं भलसा कायेगु थाय् दइ।

नेपाःया पत्रकारिताय् सुचुकूगु 'सत्य' - १



लक्की चौधरी

नेपाल प्रज्ञा प्रतिष्ठानपाखे २०७९ लय् पिहां वःगु प्रज्ञा नेपाली बृहत् शब्दकोशया पृष्ठ १८७४-१८७५ सं संस्थापकया अर्थ 'गुगु' सभा, संगठन, संस्था आदिया न्हापां थापना याम्ह व्यक्ति वा प्रवर्तन याम्ह व्यक्ति, प्रवर्तक' धयातःगु दु। 'संस्थापक दुजः धइगु गुगु संघ, संस्था, मत, सम्प्रदाय आदिया थापना याम्ह न्हापांगु पुचः मध्येया छम्ह व्यक्ति खः धयातःगु दु। थन प्रसंग स्वाये त्यनागु विषय खः नेपाल पत्रकार महासंघया संस्थापक सभापतिया। तथ्यं वि.सं. २००८ वैशाख ९ गते तत्कालीन नेपाल पत्रकार संघ स्थापना जूगु पुष्टि याइ। उगु हे संघया निरन्तरता २०५४ लय् वयाः नेपाल पत्रकार महासंघ दय्कूगु खः। संघ स्थापना जूगु इलय् 'नेपाल टुडे' साप्ताहिक पत्रिकाया सम्पादक सत्यनारायणबहादुर श्रेष्ठ संघया सभापति जुयादीगु खः। वि.सं. २००९ वैशाख २८ गते जूगु मुंज्यां हाकरं सत्यनारायण बहादुर श्रेष्ठया हे सभापतित्वय् संघया कार्य समिति विस्तार यात।

संघ जूगु पुष्टि

नेपाल पत्रकार संघ वि.सं. २००८ वैशाख ९ गतेया मुज्यां नीस्वंगु पुष्टि ग्रीष्मबहादुर देवकोटां च्यायादीगु 'नेपालको छापाखाना र पत्रपत्रिकाको इतिहास' सफुतिं यानाच्वंगु दु। उक्तं हे गोरखापत्रया तत्कालीन प्रकाशन वि.सं. २००८ असार १८, असार २२ गतेया अंकय् पिहांवःगु समाचारं नं संघ संस्थापना याःगु पुष्टि याइ। उक्तं हे वि.सं. २००९ पुस २२ व पुस २९ गतेया अंकय् पिहांवःगु समाचारं नं संघ नीस्वंगु व सभापति सत्यनारायण बहादुर श्रेष्ठ जूगु प्रष्ट यानातःगु दु। वयां लिपा पिदंगु सफू, पत्रपत्रिका, आलेख, लेख, ग्रन्थ नं नेपाल पत्रकार संघया संस्थापक श्रेष्ठ हे जूगु पुष्टि यानाच्वंगु दु। अथेजुयाः संघ व आःया महासंघया न्हापांम्ह सभापति श्रेष्ठ हे खः धइगु स्पष्ट यानाच्वंगु दु।


श्रेष्ठ हे संस्थापक

जन-जागृति साप्ताहिक (२०१७) या सम्पादक हिरण्यलाल श्रेष्ठ (८१) या कथं सुनां संस्था नीस्वनी वयात हे स्वाभाविक रुपय् संस्थापक धाइ। नियम कथं नं थ्वहे वास्तविक तथ्य खः। वि.सं. २००८ साल वैशाखय् तत्कालीन नेपाल पत्रकार संघ नीस्वनादीम्ह सत्यनारायण बहादुर श्रेष्ठ हे संस्थापक सभापति जूगु वय्कःया धापू दु। सत्ययात सुचुकेत स्वयेवं संस्थापकयात अन्याय जूगु वय् कःया धापू दु।

गोरखापत्रय् वि.सं. २००८ असार १८ गते पिहांवःगु छगू गोष्ठीया समाचारय् 'पत्रकार संघ' शीर्षकय् समाचार दु। उगु हे दैय् असार २२ गते 'नेपाल पत्रकार संघ' शीर्षकय् मेगु समाचार पिहांवःगु दु। वि.सं. २००९ पुस २२ गतेया अंकय् पिहांवःगु समाचार कथं सभापति श्रेष्ठया अध्यक्षताय् बैठक च्वनेगु समाचार दु। अथे हे उगु हे साल पुस २९ गतेया अंकय् सभापति श्रेष्ठया अध्यक्षताय् बैठक च्वंगु समाचार पिहांवःगु दु। उगु इलय् गोरखापत्र वालय् स्वन्हु पिहां वइगु खः। संघया बैठक सभापतिया अध्यक्षताय् हे च्वंगु व श्रेष्ठ हे संघया सभापति जूगु समाचारं पुष्टि यानाच्वंगु दु। अथेजुयाः संघ नीस्वम्ह संस्थापक सभापति श्रेष्ठ हे जूगु पुष्टि जुइ।

इतिहास कायम याय्त स्वायाच्वंगु प्रष्ट दु।

महासंघया नेतृत्व यानाच्वंपिसं कि त तत्कालीन संघ २००८ वैशाखय् नीस्वंगु मखु धइगु पुष्टि याय् फयेकेमाः। कि त २००८ सालय् नीस्वंगु संघया अविच्छिन्नता कायम याय्त न्हयचिलेमाः। पूर्वाग्रही सोच तयाः २०१२ सालयात अविच्छिन्नता कायम याय्त गुगुं तथ्यं पुष्टि याइमखु। सत्यनारायण बहादुर श्रेष्ठ पत्रकार व राजनीतिक कार्यकर्ता निगुलिं खः। अथे हे कृष्णप्रसाद भट्टराई नं पत्रकार व राजनीतिज्ञ निगुलिं भूमिकाय् दु। निम्हं नेपाली काँग्रेसया हे कार्यकर्ता जुयादी। लिपा बल्लात्याः धयाथें बलपूर्वक भट्टराईया कार्यकाल २०१२ यात महासंघया संस्थापक धकाः



महासंघया नेतृत्व यानाच्वंपिसं कि त तत्कालीन संघ २००८ वैशाखय् नीस्वंगु मखु धइगु पुष्टि याय्फयेकेमाः। कि त २००८ सालय् नीस्वंगु संघया अविच्छिन्नता कायम याय्त न्हयचिलेमाः। पूर्वाग्रही सोच तयाः २०१२ सालयात अविच्छिन्नता कायम याय्त गुगुं तथ्यं पुष्टि याइमखु। सत्यनारायण बहादुर श्रेष्ठ पत्रकार व राजनीतिक कार्यकर्ता निगुलिं खः। अथे हे कृष्णप्रसाद भट्टराई नं पत्रकार व राजनीतिज्ञ निगुलिं भूमिकाय् दु।

तथ्यय् हुइगु कुतः


नेपाल पत्रकार महासंघं थःगु विधानय् वि.सं. २०१२ चैत १६ गते स्थापना जूगु संघयात अविच्छिन्नता कायम याःगु दु। २००८ लय् थापना जूगु संघया हे निरन्तरता २०१२ या समिति जूगु व उगु हे निरन्तरता थौंया महासंघ जूगुलिं अविच्छिन्नता कायम याय्बलय् न्हापाया मितियात कायम याय्माः। अथेखःसां नं संघ व महासंघया नेतृत्व लिसे कार्य समितिइ दुपिसं बल्लात्याः धाय्थें बल छयलाः तथ्ययात हीकेगु दृष्टता याःगु खनेदु। तथ्य हीकेगु आधार प्रमाण छुं तयातःगु खनेमदु। महासंघया लिखत व तथ्यांक २०१२ यात अविच्छिन्नता ताय्केमाःगु तथ्य पुष्टि याय् फयाच्वंगु मदु। गुगु ज्या आःतक जूगु मदु। बल्लात्याःया

अविच्छिन्नता कायम यात। थुकिया राज छु खः धइगु खँ अविच्छिन्नता कायम याःपिसं सिउ जुइ।

छगू हास्यास्पद तर्क यानाच्वंगु खनेदु कि श्रेष्ठ नेतृत्वया कार्य समिति २००९ लिपा निस्क्रिय जुल धकाः। धाय् कि संघ निस्क्रिय जुल जुइ। २०१२ चैत १६ गतेया पत्रकार भेलां भट्टराईया नेतृत्वय् न्ह्यु कार्य समिति नीस्वंगु नं सत्य खः। थुकिया अर्थ २०१२ हे न्हापांगु कार्य समिति खः धकाः गुक्तं पुष्टि जुइ ? कि नेपाल पत्रकार संघया नां हे हिलेमाःगु खः। व नं मयाः। श्रेष्ठ थापना याःगु संघयात हे निरन्तरता बीगु ज्या जूगु दु। अथेजुयाः नं २०१२ यात अविच्छिन्नता कायम याय्गु गुगुं ल्याखँ न्यायपूर्ण जुइ मखु।

त्यं मेगु ल्याखय्

मध्यपुर महोत्सव-जीवन्त संस्कृति स्वयाः
लयाःपि आन्तरिक व बाह्य पर्यटक



अप्वरूयां कुमारी
बसन्तपुर, यल व
रूप दरवारय् जक
दु धकाः तायेकी ।
तर, मध्यपुर थिमिइ
नं मल्लकालीन
दरवार दुगु व थन
नं राजकीय कुमारी
दुगु जानकारी बीत
गुणकितिं महाविहार
प्राङ्गनय्
सिंहासनय् कुमारी
व १०३ दँया
ज्येष्ठ नागरिकयात
ब्वयातःगु दु ।

मध्यपुर थिमी महोत्सव क्वाचा:गु
दु । महोत्सवया थीथी आयामयात कया:
थीथी व्याक्तित्व लिसे थ:थ:गु कथंया
अनुभूति या:गु दु । महोत्सवय् ब्वति
का:पिं पर्यटक जक मखु ग्वसा: खल:या
लिसे सहभागी थीथी पक्ष लिसे जूगु
सहलहया सार थन न्ह्यव्वयागु जुल ।

खूपया मध्यपुर थिमि
क्वाति पुन्हि कुन्हु निसे प्यन्हु तक
हुइकीगु 'सलचा प्याखं' दिउगु च्यादै
दयेधुंकल । प्याखँनय् ब्वति कायेमाःपिं
गुलिखें पिहां वन । गुलिस्यां चिउताः
मक्यंगुलिं हाकनं सञ्चालन याये
मफयाच्चंगु खः । मध्यपुर महोत्सवया
इवल्य् त्याय्म्हत जानाः दीधुंकूगु
प्याखँ हाकनं सञ्चालनय् हःगु दु ।
प्याखँनय् प्रेमलाल भासिमा, दिलकृष्ण
भासिमा लगायतं 'पोङ्गा' बाजा
पुलसा चयन्द्र भासिमा, रासुल भासिमा
व क्रिस भासिमाले 'खि' बाजं थानाः
साथ बिल । प्याखँ व बाजंया प्रशिक्षण
धाःसा लछि बिकाः गुरुपिं बिकुलाल
भासिमा व कान्छा भासिमां बिउगु खः ।

प्रेमलालं धयादिल, डिजिटल व
सोसेल मिडियाय् लयूतायाच्चीं ल्यासे
ल्याय्महतयूत महोत्सवं कला संस्कृतिया
महत्व बोयेय् जागरण हःगु दु। उमिसं
आः हरेक क्वाति पुन्हिबलय् नं प्याखें
पिकायेगु योजना दयेकूगु दु। महोत्सवय्
हरिचन्द्र प्रजापतिं थः बाज्यां ल्यंकातःगु
स्वसः दै पुलांगु मल्लकालीन ल्वहँया
चक्का छ्यलाः चाया थलबल दयेकेगु
ज्या यानाच्वंगु दु। वय्कःया अबुं चाया
थलबल दयेकल। काय्हेस्यां उकी
आधुनिक ढंगं सेरामिक प्रविधि छ्यलाः
च्वंगु दु। थौंकन्ह्य वय्कलं दयेकादिगु
सेरामिक्स जर्मनी, अष्ट्रेलिया, जापान,
बेलायत लगायत देशय् निर्यात जुयाच्वंगु
दु।

वयूकःया कथं महोत्सवं
मध्यपुरयात सेरामिक्सया हबया रुपय्
स्थापित यायेगु योजनायात ताः लाकेत
ग्वाहालि जूगु धासें धयादिल, 'थज्याःगु
महोत्सव दैय्दसं ग्वसाः ग्वयेमाः ।'

मध्यपुर थिमिया बालकुमारी
क्षेत्र थीथी कथंया बुबः, चपाचो त्वालय्
चाया ठलबल, नगदेश्य तरकारी, बोडे
धौ व जाकी, तिगनी त्वाः बजिया नितिं
प्रख्यात जू। आः नं थनया स्थानीयं
थःशगु क्षेत्रया पुख्यौली पेसा नाला
वयाच्वंगु दु। महोत्सवयात लक्षित

यानाः स्थानीय सुबन कायस्थ लगायतया
पुचलं बालकुमारी मन्दिर क्षेत्रय् ६४
कथंया बुबः प्रदर्शनी तयातःगु खः ।

वयूकःया कथं मध्यपुर थिमिया
बुबःयैया असं, यलया मंगः बजाः, सक्वु,
थक्वाः लगायत क्षेत्रयू छ्वयेगु याइ ।



उक्तं हे धीमिध धाःसा सिन्धुलीं मुस्या,
सिन्धुपाल्चोकया दाप्चा बजारं तःग्वःगु
क्ययेगु, मेलम्चीं ग्वःगु माय्, बारबिसें
हाकूगु भुती वयेगु याइ । तर थौंकन्ह्य
धाःसा ल्याय्म्हत विदेश वंगुलिं बुँज्या
यायेगु म्हो जूगुलिं स्विनिगः पिने वइगु
स्थानीय उत्पादन म्हो जुयाच्वंगु दु ।
वय्कलं थुकथंया महोत्सवं देय्न्यंकंया
उत्पादन अप्वयेकेत ल्याय्म्हतयत प्रेरणा
चलाइगु खँ कनादिल ।

स्थानीय चाकु पसः सञ्चालक
उत्तमराज श्रेष्ठ धयादिल, 'महोत्सव'
व्यापार लिसे स्थानीय उत्पादनया
बारेयु प्रवर्द्धन यायेत ग्वाहालि जुगु दु,
लिसें महोत्सव जीर्ण सतः फल्चा, देगः
भिकेतगु लिसे पुखू लगायत सम्पदा
संरक्षण व सुचुकुचुइ ध्यान वंगु दु ।

नेवाः समुदायय् भव्यया विषेश महत्व दु । बुसां निसैं जक्वः सीबलय् तकं याइगु थीथी कर्मकाण्डय् बिस्क् बिस्क् परिकार तथाः भव्य नकेमाः । ओस्ला नेपाल नांया संस्थां नेवाः भव्य या धार्मिक लगायत पक्षया महत्व क्यनेत २५ ताजिया भव्य प्रदर्शनय् तयातःगु दु । उक्तथं हे 'लाय्कू' दरवारय् वैशाख १ व २ गते जुइगु बिस्का जात्रा लिसे पुलुकिसि जात्रा, लोकेश्वर जात्रा नं क्यनातःगु दुसा महाकाली प्याखं, इन्द्र अप्सरा, मयुर, अष्टमातृका, जोगी प्याखं, नागचा, राजकुमार, लाखे प्याखं

नं प्रदर्शनि याःगु दु ।

सांस्कृतिक बाजागाजाय गुँला
बाजं, घिन्ताङ्ग घिसिं, धिमे बाजा, नायो
खिं बाजा, नौ बाजं, बाँसुरी बाजा,
दाफा भजन, कृतन भजन, ज्ञानमाला
भजन, नित्य भजन, रामायण भजन,



हरि भजन नं क्यनेगु यानाच्चंगु दु ।
उकथं हे लिच्छवीकाल निसें आः
तकया नेपाःया मुद्रा व सिक्का, चाया
थ्यंमथ्यं ५ फिट तजाःगु सुकुन्दा,
नेपाःया चाया न्हापांगु हिटर, नगदेशय्
लुँया इयाः, नेवाः संस्कृतिइ बुसां निसें
सीबलय् तकया जानकारी नं महोत्सवय्
ब्वयातःगु दु ।

अवस्थायां कुमारी बसन्तपुर, यल
व खूप दरवारय् जक दु धकाः तायेकी ।
तर, मध्यपुर थिमि नं मल्लकालीन
दरवार दुगु व थन नं राजकीय कुमारी
दुगु जानकारी बीत गुणकातिं महाविहार
प्राङ्गनय् सिंहासनय् कुमारी व १०३
दैया ज्येष्ठ नागरिकायात ब्यायातःगु दु ।
महोत्सव स्वयेत वडीपंत चाया
थलबलया ध्वाखा दयेकाः लसकुस
यानाच्चंगु दु । मोहनिया इलय् ब्वइगु
मल्लकालम्न ढाल र तरबार नं
ब्यायातःगु दु । उक्तथं हे नेवाः संस्कार
व भेषभुषा, मूर्तिकला, चाया थलबल,
शैक्षिक, पुस्तक प्रदर्शनी व नसाज्वलंया
स्टलत नं तयातःगु खः । महोत्सवया
मेगु आकर्षणय् नगदेशया बुद्ध विहार व
चपाचो त्याःया पाटीको विहारय् बुद्धया
अस्तुधातु नं ब्यायातःगु खः ।

स्वन्हु तक न्ह्याःगु महोत्सवय्
थीथी थासं ब्वति कायेत वःपिं
विदेशीया लिसे आन्तरिक पर्यटक भीड
हे जूगु खः । म्ये प्वाः खनिगु जात्राया

प्रतिमूर्तिलिसे किपाः काइपिं, सेल्फि
काइपिनिगु हुलमुल जूगु खः ।

महोत्सव स्वयेत भाम्ह यैया
मनिकृष्ण श्रेष्ठं महोत्सवं स्थानीय कला
संस्कृति लिसं पेसायात कयाः अध्ययन
याईपंत ग्वाहालि याःगु खँ कनादिल ।



वयूकलं धयादिल, 'दछियंकं न्यायेकीगु
नखः चखः छन्हु हे स्वयेखन ।'

महोत्सवया बारेय जानकारी
बीत सूचना केन्द्र, स्वास्थ्य शिविरया
नं व्यवस्था यानातःगु दु । महोत्सवयात
लक्षित यानाः विदेशी पर्यटक ह्येत
टुरिस्ट गाइड एशोसियसन अफ नेपाल
लिसेया सहकार्यय् १ सय २० म्ह
गाइडयात मध्यपुर भ्रमण याकूगु खः ।
ग्वसाः खलःया कथं महोत्सवय् वर्डिपंत
अपुइकेत ४२ म्ह ल्याय्महतयूत तालिम
बिउगु खः । मध्यपुर महोत्सव मूल
समारोह समितिया संयोजक लिसे
मध्यपुर थिमि नगरपालिकाया
मेयर सुरेन्द्र श्रेष्ठ पर्यटनायात स्थानीय
विकासया साभेदार दयेकेत व स्थानीय
सम्पदायात रोजगारी लिसे आर्थिक
उत्पादन लिसे स्वानाः अर्थतन्त्रयात थप
गतिशील दयेकेत महोत्सवया ग्वसाः
ग्वयाःगु खँ कनादीगु दु ।

व्यक्तलं ध्यादलल, 'मध्यपुर थलम
पुरातात्वक संस्कृतक मूर्त व अमूर्त
सम्पदां जाःगु मध्यकालीन शहर जगु
जानकारी आपासलतं मदु। महोत्सवं
मध्यपुरयात पर्यटकीय गन्तव्यया रूपय्
म्हसिकी धइगु वलशवास दु। थलमियात
खुला संग्रहालयया रूपय् विकास
यायेगु, पर्यटन बोर्डलसे सहकार्य यानाः
रात्रिकालीन पर्यटन अण्वयेकेगु योजना
दु।'



राम प्रजापति
प्रोप्राइटर

हारती मिठाई भण्डार

(शुद्ध शाकाहारी)

कालिमाटी चोक, टंकेश्वर मार्ग, काठमाडौं ।
फोन नं. : ०१-५३७२९९९, मो. ९८०३९८०६९९

यहाँ:- विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईहरू तयार गरिन्छ ।

[illegible]





एनपिल : क्रिकेटय क्रान्ति



प्रजित शाक्य

सुदूरपश्चिमं समूह चरणय् नं पनि जनकपुरयात बुकूगु खः । जनकपुर बोल्ट स्वक्वःखुसी भाउयमानी सावित जुल व प्रतियोगिताया दकलय् महत्वपूर्ण कासाय् सुदूरपश्चिमलिसे बदला काल । सुदूरपश्चिम प्रतियोगिताया गुलि तक रोमाञ्चक दु धइगु अनुमान यायेफु । स्ववाःया तक प्रतिस्पर्धा अन्ततः जनकपुर बोल्ट्स च्याम्पियन जुल । जनकपुर फाइनलय् सुदूरपश्चिमयात न्यागू विकेटं बुकल । एनपिलया फाइनल प्रतियोगिताया निगू सर्वश्रेष्ठ टिम दथुइ धेधेबल्ला जुयाच्चंगु खः । थ्व निगू टिम हे हेभिवेटया रुपय् न्हयःने वल । जनकपुर बोल्ट्स व सुदूरपश्चिम रोयल्स शीर्ष निगू थासय् लानाः प्लेअफय् थ्यंगु खः । सुदूरपश्चिम न्हापांगु क्वालिफायरय् जनकपुरयात बुकाः तप्यंक फाइनलय् थ्यन सा जनकपुर बुइधुंकाः निक्वःगु क्वालिफायर म्हितेमाःगु खः । निक्वखुसी कर्णाली याक्सयात बुकेधुंकाः जनकपुर

भारतय् जुइगु फ्रेञ्चाइ लिंग क्रिकेट आइपीएल थें सफल लिंग आः तक गुगु देशय् जुइ फयाच्चंगु मदु । अथे खःसां नं क्रिकेटय् बिस्कं थःत म्हासिका वयाच्चंगु नेपालं ग्वसाः ग्वःगु फ्रेञ्चाइ लिंगया नेपाल प्रिमियर लिंग (एनपिएल) यात धाःसा न्हापांगु संस्करणय् हे आइपीएल लिसे तुलना यायेगु ज्या जूगु दु । एनपिएल न्हापांगु संस्करणय् हे विश्वया दकलय् भ्यालुएबल फ्रेञ्चाई क्रिकेट लिंगया शीर्ष न्यागूगु थासय् लाःगु दु । आइपिएल, अस्ट्रेलियाया बिग ब्यास, पाकिस्तानया पिएसएल, वेस्ट इन्डिजय् म्हितीगु क्यारेबियन प्रिमियर लिंग (सिपिएल) जक एनपिएल स्वयां न्हयःने लाः । एनपिएलं बङ्गलादेश प्रिमियर लिंग (बिपिएल) व श्रीलङ्का प्रिमियर लिंग (एसपिएल) यात लिउने लाकेत सफल जुल ।

जनकपुर न्हापां च्याम्पियन

क्यानं एनपिएलया नितिं च्यागू शहरया नामय् टिम क्वःछिनाः मीगु ज्या याःगु खः । न्हापांगु संस्करणय् सुदूरपश्चिम रोयल्स, काठमाडौं गुर्खाज, चितवन राइनोज, विराटनगर किङ्स, जनकपुर बोल्ट्स, लुम्बिनी लायन्स, पोखरा एभेन्जर्स व कर्णाली याक्स स्वाःगु खः । सकस्यां टिम अक्सन व सुपरस्टार क्रिकेटरत आवद्ध जुयाः छगू लिपा मेगु टिम तयार यात । अथे जुयाः गुगुं कासाया भविष्यवाणी यायेत थाकूगु खः । प्लेअफय् थ्यनिगु प्यंगू टिमया निर्णय समूह चरणया लिपांगु कासा तक थ्यंगुलिं नं प्रतियोगिता गुलि तक रोमाञ्चक दु धइगु अनुमान यायेफु । स्ववाःया तक प्रतिस्पर्धा अन्ततः जनकपुर बोल्ट्स च्याम्पियन जुल । जनकपुर फाइनलय् सुदूरपश्चिमयात न्यागू विकेटं बुकल ।

एनपिएलया फाइनल प्रतियोगिताया निगू सर्वश्रेष्ठ टिम दथुइ धेधेबल्ला जुयाच्चंगु खः । थ्व निगू टिम हे हेभिवेटया रुपय् न्हयःने वल । जनकपुर बोल्ट्स व सुदूरपश्चिम रोयल्स शीर्ष निगू थासय् लानाः प्लेअफय् थ्यंगु खः । सुदूरपश्चिम न्हापांगु क्वालिफायरय् जनकपुरयात बुकाः तप्यंक फाइनलय् थ्यन सा जनकपुर बुइधुंकाः निक्वःगु क्वालिफायर म्हितेमाःगु खः । निक्वखुसी कर्णाली याक्सयात बुकेधुंकाः जनकपुर

फाइनल कासा म्हितेगु ऐतिहासिक अवसर वञ्चित धाःसा जुइम्वाल । सुदूरपश्चिमं समूह चरणय् नं पनि जनकपुरयात बुकूगु खः । जनकपुर बोल्ट स्वक्वःखुसी भाग्यमानी सावित जुल व प्रतियोगिताया दकलय् महत्वपूर्ण कासाय् सुदूरपश्चिमलिसे बदला काल । सुदूरपश्चिम प्रतियोगिताया दकलय् बांलाःगु टिमया रुपय् न्हयःने वःगु खःसां नं लिपांगु कासाय् धिसिलाके मफुत । जनकपुर धाःसा फाइनलय् सुदूरपश्चिम लिसे लिपांगु निक्वः तक बूगु कासा स्वयां बिस्कं कथं प्रस्तुत जुल । फाइनलय् थेंज्याःगु दबाबपूर्ण कासाय् १८५ रनया लक्ष्य हीसल यानाः च्याम्पियन जुइगु ख्याः खें नं मखु ।

क्रिकेटय् दर्शकयात दकलय् अप्व मज्जा छक्का व चौका प्रहार याइबलय् वइ । गुगु टि-ट्वान्टी संरचनाय् खनेदइ । सुदूरपश्चिम व जनकपुरं आपालं चौका, छक्काया ध्वानाः फाइनलया वास्तविक रोमाञ्चक दर्शकया क्यनेगु ज्या यात ।

एनपिएल थेंज्याःगु प्रतियोगिताया च्याम्पियन जुइत तःधंगु गृहकार्य यायेमाः । टिम संरचनाय् माक्व ध्यान बीमाः । सन्तुलित टिम दयेकेमाः । बेज्ज नं उलि हे बल्लाकेमाः । थुक्रिया लिसे मैदान दुनेया प्रदर्शन ला माःगु हे जुल । जनकपुरया टिम म्यानेजमेन्ट थ्व फुककं ग्वसाः ताः लाकूगु दु । हरेक कासा लिपा जनकपुरया खेलाडी, प्रशिक्षकं टिम म्यानेजमेन्टयात बिउगु जसं नं थ्व प्रमाणित जुइ । नियमित कप्तान अनिल शाह प्लेअफ न्हयः हे घाःपाः जुयाः कासा म्हिते मफइगु जुइवं जनकपुरयात धक्का लाःगु खः तर वयां लिपाया कासाय् आसिफ शेखं टिमया नेतृत्व यानाः जनकपुरयात च्याम्पियन दयेकल ।

एनपिएलया न्हापांगु च्याम्पियनया गौरव चूलाकेधुंकाः जनकपुर बोल्ट्सया प्रशिक्षक पुबुदु दसनायकेया उचाइ अभ्र थहांवंगु दु । निक्वः तक नेपाःया राष्ट्रिय टिम सम्हाले यायेधुंकूम्ह दसनायकेया प्रशिक्षकत्वय् सन् २०१४ सं न्हापांखुसि नेपालं टि-२० विश्वकप म्हितूगु खः । दसनायकें थःगु प्रशिक्षकत्वय् जनकपुरयात एनपिएल च्याम्पियन दयेकाः नेपाःया क्रिकेटय् थःगु छवि अभ्र थकाःगु दु ।

प्रतियोगिता न्हयः कर्णाली याक्स भ्वंतय् शसक्त खनेदुगु खः । यद्यपि लिपांगु कासा लिपा कर्णाली शीर्ष प्यंगूगु थाय्या लिपांगु थासय् च्वनाः नं प्लेअफय् थ्यंकेत सफल जुल । प्लेअफय् थ्यंगु मेगु टिम चितवन राइनोज खः । टिम न्यायेगुलिं दकलय् अप्वः याःगु पोखरा एभेन्जर्स व राष्ट्रिय टिमया कप्तान रोहित पौडेलया नेतृत्वय् दुगु लुम्बिनी लायन्सया नितिं धाःसा न्हापांगु संस्करणं लय्तायेके मफुत । अस्थिर प्रदर्शनया कारण थ्व निगू टिम लिपांगु निगूगु थासय् लात । लुम्बिनी बांलाक म्हितूगु खःसां नं फिनिसिडय् धाःसा ताः मलात । पोखरां नं क्षमता कथं म्हितेमफुत । यद्यपि पोखरां विकेट गुमे मयासें लुम्बिनी विरुद्ध १७० रन दयेकाः प्रतियोगिताय् दकलय् फराकिलो रन दयेकाः त्याकूगु खः । लुम्बिनी मानसिक रुपय् सबल जुइ मफुत ।

काठमाडौं गुर्खाजं समूह चरणय् लिपांगु छुं कासाय् थःगु लय क्यंगु खः । यद्यपि रन औसतया कारण काठमाडौं प्लेअफ वञ्चित जुल । काठमाडौं सरह च्यागू अंक दयेकूगु चितवन व कर्णाली भाग्यमान जूगु खः ।

आयातित क्रिकेटरया प्रभाव

एनपिएल सफल जुइगुलिं विदेशी खेलाडीया प्रभाव नं छगू खः । एनपिएलय् फ्रिन्त्यागू देय्या ४३ म्ह विदेशी क्रिकेटय् ब्वति काःगु खः । वंगु इलय् म्हो जक आयातित क्रिकेटर नेपाः वइगु खःसा थ्व पालय् फुककं टिमं छम्ह छम्ह धयाथें स्तरीय विदेशी खेलाडी अनुबन्धन याःगु खः । एनपिएलय् विशेषत भारतया शिखर धवन, न्युजिल्यान्डका मार्टिन गुप्टिल व जिमी निसम, पाकिस्तानया तेज बलर सोहेल तनवीर, इङ्गल्यान्डया अलराउन्डर रवि बोपरा व अस्ट्रेलियाया वेन कटिड थेंज्याःपिं चर्चित विदेशी खेलाडी वयेधुंकाः लिंगया रौनक हे बिस्कं जूगु खः । विश्वया हे सर्वकालीन महान ब्याट्सम्यान मध्ये छम्ह दि चार्ल्स अफ त्रिनिडाडया उपनाम कयातम्ह ब्रायन लारा वयेवं एनपिएलया चर्चा छक्वलं थहां वन ।

थुपिं मध्ये गुप्टिल व कटिडया प्रदर्शन अपेक्षाकृत जुइ मफुत । धवनं थःगु छाप त्वःतेत ताः लात । तनवीर, बोपारा व निसम आपालं

कासाय् थःगु टिमया नितिं निर्णायक जुल । निसम प्रतियोगिताया सर्वश्रेष्ठ कासामिया लैपुइ दुगु खः । थ्व बाहेक प्रतियोगिता न्हयः खास हे चर्चा मजूपिं विदेशी कासामि श्रीलङ्काय् बुयाः अमेरिकी क्रिकेटर लाहिरु मिलान्था इङ्गल्यान्डया अलराउन्डर सैफ जेब, न्युजिल्यान्डया तेज बलर स्कट कुर्लियन व अस्ट्रेलयाया विलियम बोसिस्टो थःगु टिमया नितिं प्रमुख कासामिया रुपय् न्हयःने वल । थुकथं हे छुं छुं कासाय् अमेरिकाया एन्ड्रिज गौस, वेस्टइन्डिजया रिफरबाट नं अविस्वसनीय प्रदर्शन याःगु खः ।

म्हो मजू नेपाःया क्रिकेटर

एनपिएलय् सोचे याःथें विदेशी कासामिया जगजगी धाःसा मजुल । उमित घरेलु क्रिकेटरं थःथःगु प्रदर्शनपाखे उतिकं हे हाथ्या बिल ।

विदेशी खेलाडीया दबदबा दथुइ छुं घरेलु कासामिं चम्के जुल । सुदूरपश्चिमया कप्तान दिपेन्द्रसिंह ऐरी अलराउन्ड प्रदर्शन लिपा कार विजेता जुल । ललित नं प्रतियोगिताय् सर्वाधिक विकेट कयाः थःत नेपाःया नम्बर एक स्पीनर सावित यात । नेपाली राष्ट्रिय टिमया कप्तान रोहित पौडेल, चितवनयाया कप्तान कुशल मल्ल, विकेट किपर ब्याट्सम्यान विनोद भण्डारी, जनकपुरया तेज बलर किशोर महतो नं थःगु स्थिर प्रदर्शनं मेपिं खेलाडी स्वयां बिस्क जुल । कर्णाली याक्सया फ्रिंखुदैंया स्पीनर विपिनप्रसाद शर्मा न्हू ख्वाः कथं खनेदत । वय् कःया बलिडय् विश्वया छम्ह छम्ह धयाथें ब्याट्सम्यान नं संघर्ष यायेत बाध्य जुल । विपिनं च्यागू कासाय् १३ विकेट कयाः नेपाःया स्पीन भविष्य सुरक्षित दु धकाः क्यनेत सफल जुल । विपिन ट्यालेन्ट हन्टं ल्याः टिमय् लाःगु खः । वय्कःयात एनपिएलया हे राइजिङ स्टार ल्यल । करण केसी व सोमपाल कार्मी ठिकठाक प्रदर्शन यात । एनपिलय् चम्के जुइगु आशा यानातम्ह स्टार क्रिकेटरत कुशल थुर्तेल, सन्दीप लामिछाने, गुलसन भ्ना व सन्दीप जोरा फलप जुल ।

एनपिएल नेपाःया टि-२० टिमयात बल्लाकेगु मज्ज नं खः । थुगु प्रतियोगिता लिपा नेपाःया टि-२० टिमय् तःधंगु हिउपाः वल धाःसा अजू चायेम्वाः ।

भर्ना चाल !

शैक्षिक दँ २०८१/८२ नेपालभाषा एम.ए भर्ना चाल !

नेपालभाषा एम.ए ब्वनादिसँ । ब्वंकादिसँ ।

नांदुतिना : नैसँ १९४५ थिंलागा १२ तक (२०८१ पौष १२ गतेतक)
दबल दस्तुर : नैसँ: १९४४ पोहिलाथ्व ४ तक (२०८१ पौष १९ गतेतक)

स्वाणु

त्रिवि, नेपालभाषा केन्द्रीय विभारा

पाटन संयुक्त क्याम्पस परिसर, यलध्वाबा, यल

डा: राजनलाल जोशी 9843617619
जीवनकुमार महर्जन 9841797038
दिपक संजेल 9851091517
015268494



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ पनि गरिन्छ ।

न्हूगु पलाःया न्हूगु ज्याभ्वः कथं लोककवियात हन



लहना वाःपौ/ न्हूगु पलाः बचत तथा ऋण सहकारी संस्थाया भिर्खुक्वःगु दै मुज्याय् लोककवि राजभाई जकःमियात हंगु दु। नेपालभाषा साहित्य ख्यलय् यानादीगु योगदानयात कयाः वय् कःयात दोसल्ला न्ययेकाः हनेगुया

सल्लाहकार बालमुकुन्द मुल्मी आर्थिक प्रतिवेदन न्ह्यब्वयादीगु खःसा सचिव राजेश महर्जन संस्थाया प्रगति प्रतिवेदन न्ह्यब्वःगु खः। न्हूगु पलाःया सञ्चालक दुजः महेश नेवाः लसकुस यानाः न्ह्याःगु ज्याइवल्य् संस्थां आर्थिक उन्नतिया लिसे लिसे नेपालभाषा च्वन्ह्याकेगु ताः तयाः नेपालभाषा ख्यलय् विशेष योगदान यानादीपंत हनेगु ज्याभ्वः न्ह्याकागु खँ कनादिल।

उगु हे तातुना कथं दकलय् न्हापां लोककवि राजभाइ जकःमियात हनेज्या यानागु खँ कनादिल। मूपाहां बालकृष्ण महर्जनजुं नेपालय् सहकारीत स्यना वनाच्चंगु अवस्थाय् न्हूगु पलाः धिसिलाक्क न्ह्यानाच्चंगुलिं थः गौरव ताःगु खँ न्ह्यथनादिल।

देय् दबू महालक्ष्मी नगर समितिइ न्हूगु ज्यासना पुचः

लहना वाःपौ/ नेवाः देय् दबू महालक्ष्मी नगर समितिया निक्वःगु तःमुँज्या वंगु बुधवाः क्वचाल। तःमुँज्यां देय् दबू महालक्ष्मी नगर समितिया न्हूगु ज्यासना पुचः नं ल्यःगु खः। नेवाः देय् दबू महालक्ष्मी नगर समितिया नायः विजय महर्जनया सभापतित्वय् जूगु तःमुँज्यां कृष्ण महर्जनया नेतृत्वय् न्हूगु ज्यासना पुचः ल्यःगु खः।

भिर्न्याम्हेसिया न्हूगु ज्यासना

पुचःया वरिष्ठ न्वकु पदय् सुदन ताम्राकार, न्वकु पदय् मनोज महर्जन व मिसा न्वकु पदय् रामदेवी महर्जनयात ल्यःगु दुसा छ्याञ्जेय् मनोज महर्जन, मिसा छ्याञ्जेय् सृजना सिंह डंगोल, दांभरिलय् सविना महर्जनयात सर्वसम्मतं ल्यःगु दु।

अथे हे दुजलय् मनोज नगरकोटी, उर्मिला महर्जन, भुवन श्रेष्ठ, सिद्धि कुमारी महर्जन, निशान महर्जन, एलेन महर्जन, मुकुल श्रेष्ठ, कमला

महर्जन व गीता महर्जनयात सर्वसम्मतं ल्यःगु दुसा नगर समितिया संरक्षकय् निवर्तमान नायः महर्जनयात ल्यःगु दु।

ज्याइवल्य् नेवाः देय् दबू स्वनिगः विशेष प्रदेशया नायः श्रीकृष्ण महर्जन, सचिवालय् दुजः नरेश श्रेष्ठ, यल जिल्लाया नायः रवीन्द्र शाक्य, पुलांम्ह नायः हेराकाजी महर्जन, यल महानगर कमिटीया नायः बुद्धरत्न शाक्य लगायतं भिंतुना देखासे नुगःखँ तयादीगु खः।

किपुलिइ निजी विद्यालय नेपालभाषा ब्वंकेमाःगु माग

लहना वाःपौ/ किपूया दक्वं शिक्षण संस्थाय् नेपालभाषाया विषय अनिवार्य यायेत सरोकारवाला निकाययात ध्यानाकर्षण याक्गु दु।

मातृभाषाप्रेमी व अभियन्तातय्सं नगरया दक्वं संस्थागत ब्वनेकुथिइ पीएचडी तक नेपालभाषाया विषयय् अध्ययन नापं छात्रवृत्तिया व्यवस्था यायेत ध्यानाकर्षण याक्गु खः।

वंगु छुं दिं न्ह्यः शिक्षाविद्, मातृभाषाप्रेमी व अभियन्तातय् छगू पुचलं किपू नगरपालिकाया नवनिर्वाचित प्रमुख कृष्णमान डंगोल व उपप्रमुख शुभलक्ष्मी शाक्य (सुनिता) यात नापलानाः ध्यानाकर्षण याक्गु खः।

मातृभाषा प्रेमीतय् पुचलय् दुथ्याःम्ह नापं रत्नराज्यलक्ष्मी (आरआर) क्याम्पसय् नेपालभाषा विषय अध्यापन याना वयाच्चनादीम्ह प्रा. डा. चन्द्रमान वज्राचार्य

यँ महानगरपालिका अन्तर्गतयां निजी ब्वनेकुथिइ नेपालभाषा विषय संचालन जुयाच्चंगु बारे जानकारी बियादीगु खः।

वय्कलं यँ महानगरपालिकां थःगु क्षेत्राधिकार दुनेया ब्वनेकुथिइ नेपालभाषा विषय अध्यापन याक्थुं आः किपू नगरपालिकां नं नगर दुनेया निजी ब्वनेकुथिइ नेपालभाषा अध्यापन याकेमाः धयादिल।

अथे हे आरआर क्याम्पसया प्रमुख जीवनधर ज्ञवालीं महानगरया दछिया १५ गूलख बजेट ०७८ सालनिसँ क्याम्पसय् नेपालभाषा विषय निरन्तर रुपं अध्यापन याकेगु ज्या जुयाच्चंगु जानकारी बियादिल। लिसँ वय्कलं तोखा, चन्द्रागिरि, ख्वपय् नेपालभाषा विषय अध्ययन याईपिं विद्यार्थीया निर्तिं छात्रवृत्तिया व्यवस्था याःथें किपू नगरपालिकां नं उक्तथंया व्यवस्था

यायेमाःगु सुभाब बियादिल।

उगु इलय् किपू नगरपालिकाया उपप्रमुख शाक्य नगरया सामुदायिक ब्वनेकुथिइ नेपालभाषा विषय अध्यापन संचालन जुयाच्चंगु तर, निजी विद्यालयय् धाःसा अनिवार्य रुपं लागू मयानागु खँ कनादिल। लिसँ छुं छुं निजी ब्वनेकुथिइ नेपालभाषा अनिवार्य लागू मयाःसां सफू धाःसा उपलब्ध याकेधुनागु नं जानकारी नं बियादिल। किपूया प्रमुख व उपप्रमुखया ध्यानाकर्षया यायेत आरआर क्याम्पसया प्रमुख ज्ञवाली, प्रा. डा. वज्राचार्य, नेपालभाषा केन्द्रीय विभागया शिक्षकपिं डा. वज्रमुनि वज्राचार्य, जीवन महर्जन, सामाजिक अभियन्ता राजेन्द्र महर्जन 'पुता', बुद्धिलाल ज्यापु, अर्जुन नेपाःमि, नेवाः विद्यार्थी युनियनया अध्यक्ष रिदेन महर्जनपिं भायादीगु खः।

नेपाल टप आर्टिष्टियात उपाधि



● **मेरो संवाददाता**
काठमाडौं/न्हापांगु गणेशदेवी मानन्धर लुमन्ति नेवाः कलाकार फुटसल २०८१ या उपाधि नेपाल टप आर्टिस्ट टिमं त्याकूगु दु। गणेशदेवी फाउण्डेसनया ग्वसालय् न्यूजेनिथ स्कुलया फुटसल मैदानय् जूगु कासाया फाइनलय् नेपाल टप आर्टिस्ट टिमं भी पुचःयात १-० गोल अन्तरं बुकाः उपाधि त्याकूगु खः। कासाय् यल मनपा १६ वडा कलाकार समिति स्वंगूगु थासय् लाःगु खः। भी पुचःया अनिल नगरकोटी सर्वश्रेष्ठ खेलाडी, १६ वडा कलाकार समितिया युजेश

श्रेष्ठ सर्वाधिक गोलकर्ता व नेपाल टप आर्टिस्टया इशान खड्का सर्वश्रेष्ठ गोलकिपर जूगु खः। समूह चरण धुंकाः ललितकला भिजुअल आर्टिस्ट ग्रुप व नेवाः कासामि पुचः दथुइ जूगु कासाय् ललितकला टिम ५-१ गोलं त्याकूगु खः।

ध्वयां न्ह्यः गणेशदेवी फाउण्डेसनया नायः स्नेह साय्मिया सभापतित्वय् उलेज्याय् यँ मनपा १८ वडा अध्यक्ष न्हूछेकाजी महर्जन व न्यु जेनिथ स्कुलया संस्थापक प्रिन्सिपल राजु महर्जन, न्हूदँ समारोह समितिया नायः राजेन्द्र श्रेष्ठया ब्वति दुगु खः।

फोनिजयात ...

वय्कलं इतिहासयात सम्बोधन मयात धाःसा महासंघया नैतिक धरातल न्ह्याबलें न्ह्यसः ब्वलनाच्चनी धयादिल।

ज्याइवल्य् पत्रकार दबूया सचिव राजु नापितं मदुम्ह श्रेष्ठया योगदान व पत्रकार दबू यानावयाच्चंगु थीथी ज्याइवःया बारे कनादीगु खः।

ज्याइवल्य् मधेशी पत्रकार समाजया अध्यक्ष मोहन सिंह पत्रकार महासंघया विधान अधिवेशनपाखे थुगु बहसयात क्वचायेके माःगु खँय् बः बियादीगु खः। ज्याइवल्य् नकतिनि हे क्वचाःगु पत्रकार महासंघया निर्वाचित दबूया दुजःतय्त भिंतुना देखाःगु खः।

यँ मनपां

दुजः ईश्वरी परियारयात जनकमान श्रेष्ठ सुशासन पुरस्कार हंगु खः।

यँ महानगरपालिकाया १६ क्वःगु नगर सभां आर्थिक वर्ष २०८१/०८२ या ज्याभ्वः बजेट संशोधन प्रस्ताव पारित याःगु दु। प्रज्ञा भवन कमलादीइ महानगरपालिकाया प्रमुख बालेन्द्र शाह (बालेन) या नायःसुइ नगर सभाया १६ क्वःगु अधिवेशनं उपप्रमुख लिसँ वजेट

तर्जुमा समितिया संयोजक सुनिता डंगोल न्ह्यब्वःगु ज्याभवः व बजेट संशोधनलिसँ आर्थिक ऐन २०८१ व विनियोजन ऐन २०८१ या न्हापांगु संशोधन प्रस्तावय् सहलह यानाः पारित याःगु खः।

उपप्रमुख डंगोलयाकथं स्वीकृत कुल बजेट, चालु खर्च व पूँजीगत खर्च थपघट मजुइक क्रियाकलापत जक संशोधनया नितीं प्रस्ताव न्ह्यब्वःगु खःसा प्रस्तावय् नगर सभा दुजःत विमलकुमार होडा, मचाराराज महर्जन, पुष्प महर्जन, रत्नाकर बज्राचार्य व सन्तोष ढुङ्गेलं विचाः तःगु खः।

नगर सभाया १५ क्वःगु अधिवेशनं स्वीकृत नीति व ज्याभवलय् विनियोजित बजेट मध्ये गुगु योजना न्ह्याके मफइगु, गुगु आर्थिक कार्यविधिकथं यक्व ई काइगु, गुगु वहुवर्षिय योजनाअन्तर्गत न्ह्याकेमाःगु जूगुलिं विनियोजित ध्यवा गुलिखय् अप्पइगु व गुलिखय् मगाइगु जूगुलिं सभाय् संशोधन प्रस्ताव न्ह्यब्वःगु खः। सभाय् यँयात मनपा घोषणा याःम्ह, महानगरपालिकाया न्हापांम्ह प्रमुख स्वर्गीय पीएल (प्रेमलाल) सिंहया लुमन्तिइ मौन धारण याःगु खः।

चाँगुइ प्रदेशस्तरीय धिमे प्रतियोगिता

लहना वाःपौ/ चाँगुनारायण नगरपालिकां बागमती प्रदेशस्तरीय न्हापांगु धिमे बाजा प्रतियोगिता याइगु जूगु दु। सांस्कृतिक, ऐतिहासिक व पुरातात्विक महत्वया चाँगुनारायण नगरपालिकां थ्वहे वइगु पुस २० गते ताथलीइ प्रतियोगिता यायेत्यंगु खः।

नगरकोट भ्रमण वर्ष-२०८२ यात लक्षित यानाः चाँगुनारायण नगरपालिका वडा नं. ९ ताथलीया ताथली

फाँटय् प्रतियोगिता यायेगु जानकारी नगरपालिकाका प्रमुख जीवन खत्री बियादीगु दु। प्रतियोगिता बारे जानकारी बीत ग्वसाः खःगु पत्रकार सम्मेलनय् नगर प्रमुख खत्री प्रतियोगिताया निर्ति व्यापक जुयाच्चंगु खँ कनादिल। नगरपालिकां प्रतियोगिताया निर्ति ९ वडा स्तरीय व्यवस्थापन समिति नं नीस्वंगु जानकारी याक्गु खः।

प्रतियोगिताय् न्हापा लाःगु

पुचःया नगद ५० हजार लिसे शिल्ड, छगः धिमे बाजा, निज्वः भुस्यां प छुस्या सिरपाः बी। उक्तथं हे लिउ लाःगु पुचःयात २५ हजार, शिल्ड, प्रमाणपत्र सहित धिमे छगः भुस्याः छजु, छुस्या छजु, लियां लिउ लाःगु पुचःयात नगद १० हजार शिल्ड, प्रमाणपत्र, धिमे छगः, भुस्याः छजु, हःपाः रिपाः कथं नगद ५ हजार, शिल्ड, प्रमाणपत्र धिमे छगः सिरपाः बी।

हरेक मंगलवार

राष्ट्रियताको लागि समर्पित

मेरो साप्ताहिक

मेरो साप्ताहिक

Mero Saptahik

मालाः मालाः ब्वनादिसँ ।

सालीनदी सुधार समितिया गुक्वःगु दँमुज्या



लहना वाःपौ/वंगु पुस १० गते बुद्धवाः कुन्हु (शालीनदी) नादि गुक्वःगु दँ मुज्या हंगु दु।

सक्वया नादि खुसी नापसं दच्छिया छक्व मिला पुनिह निसें सि पुनिह तकः लच्छि यंक न्ह्याइगु श्री माधवनारां ब्रत या इवल्य सक्वया च्यागु त्वाः कथं निदैं छक्वः पाः लाइगु याना वयाच्चंगु खः।

थये थुगुसि साःखा त्वाःया पाः

ब्यंगु खःसा २०८१ पुस २९ गते निसें चलाखु त्वाःयात पाः काःगु खः।

वंगु २०७९/८० या नायः भाजु बालकृष्ण श्रेष्ठ चलाखु त्वाःया न्हुककम्हः नायः बिकास मान सिंयात पाः लःलहना बिउगु खः। थुगु ज्याइवःस वंगु २०७९/८० या नायः बाल कृष्ण श्रेष्ठया नायसुइ जूगु ज्याइवः २०८१/८२ या महासचिव एल पि श्रेष्ठजु न्ह्याकादिगु खः।

मू पाहां शंखरापुर नगर पालीकाया मेयर रमेस नापित, विशेष पाहां उपमेयर समिता श्रेष्ठ, निवर्तमान मेयर सुवर्ण श्रेष्ठ, अथे पाहां शंखरापुर नगरपालिका वडा ६ व ७ या अध्यक्ष राधा कृष्ण श्रेष्ठ, विष्णुप्रसाद श्रेष्ठ, इन्जिनियर अनिलकुमार श्रेष्ठ, वरिष्ठ उपाध्यक्ष जीवनमान सिंह, निवर्तमान नायः मिजेन्द्र काजी श्रेष्ठपिं ब्यक्तिकाःगु खः।

ज्याइवसं लच्छियंक नादि ग्वाहालि याःपिं संघसंस्था, महिला पुचः व ब्यक्तितयूत सम्मान याःगु खः। नापं समितिया पदाधिकारीपिंत मतिनाया चिं बियाः सम्मान याःगु खः।

ज्याइवसं शंखरापुर नगरपालिकाया मेयर रमेस नापित सक्वया नादि लच्छि धलं दंकेगु इवल्य म्वःम्वः भक्तजन वइगु जूगुलीं व्यबस्थित कथं ज्या यायेमाःगु सुभाब बियादीगु खः।

हलिं नेवाः दबुलिं संरक्षक पुचः नीस्वन

लहना वाःपौ / हलिं नेवाः दबू (डब्लुएनओ)

या वंगु छुं न्हि

न्ह्यः क्वचाःगु

विशेषाधिवेशनं

विधान संशोधन

यानाः स्वता

ज्या यायेगु

निर्णय याःगु दु।

विधान

संशोधन

यानाः आः दबूया

कट्टी च्याप्टरतयूत

बल्लाकेगु, संस्था अमेरिकाय

सचिवालय दयेकेगु व संरक्षण पुचः

गठन यायेगु अले दबूयात प्रजातान्त्रिक

ढंगं न्ह्याकेगु निर्णय याःगु खः।

विधान संशोधन कथं गुम्ह दुजः दुगु

संरक्षण समिति गठन जूगु दु। समितिइ

मल्ल के. सुन्दर, महेशमान श्रेष्ठ, नरेन्द्र

हाडा, प्रेमशान्ति तुलाधर, बालगोपाल

श्रेष्ठ, सिजन श्रेष्ठ, दयारत्न शाक्य, कृष्ण

चखुं व नारायण राजभण्डारी

दुजः कथं च्वनादीगु दु।

हलिं

नेवाः दबूया नायः

संयुक्त श्रेष्ठया

अध्यक्षताय

च्वंगु विशेष

अधिवेशनयूडा.

बालगोपाल

श्रेष्ठ, डा. नारायण

राजभण्डारी व

कृष्ण चखुं दुगु समिति

विधान संशोधनया प्रस्ताव

न्ह्यःने यंकाः पारित याःगु खः।

विशेष अधिवेशनयू विधानयू

याये माःगु मेमेगु नं सुभाब वःगु खःसा

उकियात आः वइगु मेगु तःमुंज्यायू

पारित यायेगु निर्णय नं जूगु खँ दबूया

नायः संयुक्त श्रेष्ठ व मूख्यांज्ये शोभित

शाक्य जारी याःगु वक्तव्ययू ध्यातःगु

दु।



यलय् स्वन्ह्यंकं चित्रकला ब्वज्या



लहना वाःपौ/ यल संग्रहालयय देश व विदेशपाखे ६४ म्ह मचा चित्रकारतयगु मंकाः कथं प्रदर्शनी न्ह्याःगु दु। योज्ज पिकासोया ग्वसालय कलर फर पिसया ग्वाहालि न्ह्यागू उगु प्रदर्शनीइ बंगलादेश, भारत, श्रीलंकाया भिम्ह व नेपाःपाखे ५४ म्हेसिगु चित्र

ब्वज्या जूगु खः।

प्रदर्शनया सहआयोजक पाटन संग्रहालयय स्वन्हु तक उगु प्रदर्शनी “योड आर्टिस फ्रम द वर्ल्ड, इन्टरनेशनल आर्ट एक्जिबिसन २०२४” नाम न्ह्याःगु खः। ब्वज्यायू न्यादैं दुपि निसें भिन्दादैं दुपि चित्रकारतयगु चित्र

दुथ्याः। ज्याभ्वःया उलेज्या विदुर नगरपालिकाया उपप्रमुख प्रभा बोगटी, वरिष्ठ चित्रकार राधेश्याम मुल्मी विदुर नगरपालिकाया वडा अध्यक्षपि लेलिन रज्जित व दिपक कायस्थ, सातुआकी प्रतिभा समाजया अध्यक्ष बज्रराम वज्राचार्य, पाटन संग्रहालयया सूचना अधिकृत सुरेश लाखे नेवाः पत्रकार राष्ट्रिय दबूया अध्यक्ष नृपेन्द्रलाल श्रेष्ठपिसं मंकाः कथं याःगु खः।

ज्याभ्वलय अन्तर्राष्ट्रिय चित्रकला प्रदर्शनी नापं मचा चित्रकारतयगु भावना दुथ्याकाः पर फुका पन्छी सफू न विमोचन जूगु खः। योड पिकासायू अध्ययन यानाच्चपि भिन्याम्ह मचा चित्रकारतयगु चित्र दुथ्याकाः उगु सफू साहित्यकार सोमनाथ दाहाल च्वयादीगु खःसा सम्पादन नं यानादीगु खः।

प्लाष्टिकको प्रयोग नगरौं, वातावरण स्वस्थ राखौं

- प्लाष्टिक चारसय वर्षसम्म कुहिनैन,
- यसले जमिन तथा जल प्रदुषण गर्दछ,
- प्लाष्टिकका भाँडामा तातो खाद्य पदार्थ खाँदा क्यान्सर जस्तो घातक रोग लाग्न सक्दछ,
- प्लाष्टिक जलाउदा वायुमण्डल प्रदुषित हुन्छ,
- खोलानाला वा समुद्रमा प्लाष्टिक परे पानी प्रदुषित हुन्छ,

त्यसैले प्लाष्टिकको सट्टा कागज र कपडाले बनेका भोला प्रयोग गरौं।



नेपाल सरकार

विज्ञापन बोर्ड

छत्रपाटी निःशुल्क चिकित्सालय (अस्पताल)

‘स्त्रीय शुलभ स्वास्थ्य सेवा सकसिया निति, असहायता निति जक निःशुल्क’

उपलब्ध सेवा

- २४सै घण्टा सेवा
- ईमर्जेन्सी
- प्याथोलोजी
- एक्स रे
- ई.सी.जी
- औषधि पसल
- अन्तरंग सेवा

गर्भवति

- मोनिटिङ
- जन्त तवरी
- नाक बाल घाँटी सम्बन्धि
- हाइलेनी तथा नसा सम्बन्धि
- शिशु चिकित्सा पिसाब नसोको पस्वर सम्बन्धि

बहिरंग सेवा

- मुटु रोग
- पेट रोग
- युरोलोजी
- स्त्री रोग
- बाल रोग
- क्यान्सर रोग
- दन्त रोग
- अक्षि रोग
- जन्तन मेडिसिन
- धनं तथा यौव रोग
- नाक बाल घाँटी रोग
- जन्तन हेल्थ चेक अप
- वाइरोइड
- मधुमेह

मेमेगु सेवा

- ड्रेसिङ
- इण्डोस्कोपी
- कोलोन्स्कोपी
- फिजियोथेरापी
- भ्रूजोडोड, कनर टुप्पर र डोको
- युरोपेली स्तरको दन्त प्रयोगशाला
- टिएम.टी. हल्टर

२४ घण्टा

ईमर्जेन्सी सेवा

७०८ गंगालाल मार्ग, छत्रपाटी, काठमाडौं, फोन: ५३९६९३८, ५३५७९९९, ५३६६२२९